




DR Kasim, Dr Ismail dan Dr. Mahmud bersama sebahagian kadet Kor Sipsa yang menyertai perhimpunan di Terengganu.



KADET dari UMS menggunakan beberapa peralatan dalam aksi menyelamat di aras tinggi.

Kor Sipsa UMS naib johan Perhimpunan Kebangsaan

NST 22-07-2012 6

KOTA KINABALU: Kor Siswa-siswi Pertahanan Awam (Kor Sipsa) Universiti Malaysia Sabah (UMS) naib johan keseluruhan Perhimpunan Kebangsaan Kor Sipsa di Universiti Malaysia Terengganu (UMT) baru-baru ini.

Tahun ini adalah kali ketiga Kor Sipsa menyertai perhimpunan itu, kali pertama di Universiti Teknologi Mara (UiTM) Shah Alam pada tahun 2010, manakala pada tahun lalu hanya berjaya mendapat tempat keempat.

Perhimpunan kebangsaan yang disertai Kor Sipsa universiti-universiti di Malaysia itu melibatkan pertandingan dalam pelbagai aspek termasuk

kawad, melawan kebakaran, rawatan awal, menyelamat di aras tinggi, menyelamat di air dan membaca kompas.

Timbalan Naib Canselor, Prof. Madya Datuk Dr. Kasim Hj. Md. Mansur yang menjadi Komandan Kor Sipsa menyifatkan kejayaan tersebut sebagai satu hasil latihan yang gigih bagi membentuk sahsiah dan jati diri pelajar.

"Pihak Hal Ehwal Pelajar akan sentiasa mengambil berat terhadap perkembangan dan kandungan latihan pasukan-pasukan beruniform," katanya.

Pengerusi Majlis Badan-badan Beruniform UMS, Prof Madya Dr Ismail Ali yang menjadi Timbalan Komandan berkata, kegigihan dan komitmen para kadet dan pegawai membuahkan hasil dan berharap pencapaian tersebut terus konsisten dan lebih berjaya pada masa hadapan.

Prof Madya Dr. Mahmud Sudin dari Sekolah Perhutanan Tropika Antarabangsa menerima watakah pelantikan sebagai Let. Kol Kor Sipsa. **OLEH MARRYAN RAZAN-marryan@newsabah-times.com.my**